

Poez 1639

Elegiae et hymni sacri varii.



1451 *WILKOTKO.*

I *Mag. St. Dn.*

P

M.A.

*Hymni (quindecim) totidem mysteriis
sacratissimi Rosarii respondentis.*


Lublina. 1639.

MT 1113

POETAE POLON.

~~N. 57~~

Biblioteka Jagiellońska



stdr0003547



QVINDECIM
HYMNI
TOTIDEM MY-
STERYS SACRA-
TISSIMI ROSARY
RESPONDENTES

AB

A. M.

Affectata simplicitate
conscripti.



LVBLINI.

Anno Domini 1639.

Illustri & Magnifico Domino,,
D. NICOLAO COMITI

Ab Ostrorog,
POTILATORI REGNI POLONIÆ
Supremo, Rohatinski, &c. Capitaneo,
Domino obseruantissimo.

Rosarium hoc meum, offero Tibi Illustris &
Magnifice Domine. Opus nulli à me fortassis
expectatum: quis enim talia non potius à viro sacris
initiato expectaret? Scribendum tamen ideo istud
existimaui, quod à nemine alienum esse putem, Dei-
paræ cultum omni qua possit ratione promouere. Of-
ferendum autem Tibi ideo censui, quod sperem, ea Te
mea suscepturum facilitate, qua me ipsum complecti
benignitate soles. Nomen autem meum, ideo primis
tantum literis attigi, ne, si hoc aliquid malum est,
à nomine authoris deterius esse videatur: si bonum,
minorem apud censores gratiam inueniat. Lege Il-
lustris & Magnifice Domine Et si ita Tibi quoq;
fuerit visum, reproba. Et Saul, inter Prophetas
in posterum non comparebit. Lublini V. Maij A.
D. DC. XXXIX.

Tue Illustri Magnificentiæ
obsequentissimus
A. M.



14511

PARS PRIMA.

HYMNVS I.

Magnæ canemus Virgini,
Res eius, eius filium:
Hæc dulcis, hic piissimus,
Nobis sit adiutorium.

Te nempe Temporum Pater,
O Mater & virguncula,
Sui parentem Filij,
Signauit antè sacula.
De te, Prophetæ mystico
Sunt ominati carmine,
Quod redditura perditam
Eras salutem germine.

Tu sola de nepotibus
Euam representantibus,
Concepta, tacta non eras
Notis originalibus.

Tu dignitatis proximæ,
Statusq; pro custodia,
Ioseph mariti prouidè
Descendis in sponsalia.

A ū

Vrgen-


*Virgente celos interim
Promissionis sedere,
Delapsus ad te fulgido
Orator est ab æthere.*

*Aue perorat cernuus
Orator almus, gratia
Dicitq; plenitudinem,
A conditore gloria.*

*Euangelizat Filium,
Et germen admirabile
Tibi recenset illius,
Nomenq; delectabile.*

*Stupestis ad rem Nuncij:
Sed nunciata Numine
Confirmat, ac Altissimi
Futura sub velamine.*

*Hic illa demississima
Emittis ore melleo,
O Virgo diuinissima,
Ancilla sum Deo meo.*



Hr.

H Y M N V S II.

Inuit, admirabili
 MARIA fetu prædita,
 Helizabetem, montium
 Rigoribus non territa.
 Exultat intra viscera
 Præcursor, ad præsentiam
 Cælestis Agni, sic latens
 Vidit latentis gloriam.
 Magnos salutans hospites,
 Erumpit in Propheticum,
 Annosa prægnans, & simul
 Cognata vates canticum.
 Matrem beatam concinit,
 In uniuersis matribus,
 Fructum beatum clausulis
 Et ferre virginalibus.
 Matrem beatam pro fide
 Annuncianti credita
 Conclamat, unde nunciij
 Res constitit non irrita.

A iij

Mira-

*Miratur unde disparis
Indisparem dignatio,
Quod mater ad se venerit,
Facunda tanto Filio.*

*Hinc inde factis dulcibus
Congratulationibus,
Oreditur hospes aduena
Peana de Magnalibus.*

*Deum celebrat, qui suae
Demissionis praeium:
Qui magna secum fecerit,
Loquenda linguis omnium.*

*Qui vanitates irritas
Fecit superbientium,
Quos abrogauit, in manus.
Dans sceptras se timentium.*

*Egentis, affluentium,
Res vertit in contrarium.
Promissionum compotes
Patresq, fecit omnium.*


HYMNVS III.

Hucusq; Ioseph totius
 Mysterij non conscius,
 Defectionem cogitat,
 Humanitate deuus.
 Sed expediuit Angelus.
 Hanc pectori formidinem,
 Pandens inæstimabilem
 Conceptionis ordinem.
 Curam proinde certus est
 Sponsæ puellæ sumere,
 Curam sub integerrimo
 Sponsaliorum fœdere.
 Ac ut suorum redderent
 Professionem nominum,
 Vterq; sponsus, Bethleem
 Intrañt & ipsi Patrium.
 Hic virgo mater infimum
 Sortita diuersorium,
 Cubile brutis hospitum,
 Enixa dulcem Filium.

H y-

Hic

*Hic increatum Filium
Componit in præsepio,
Hic prima brutis obtigit
Illius admiratio.
Audita calo gloria,
Audita pax mortalium,
Voces, ad incunabula
Nascentis accinentium.
Quo concitata cantico,
Quæ turba tunc ouilia
Custodiebat, aduolans
Adorat ad genethlia,
Adsunt ab ortus cardine
Reges peregre gentium,
Inusitatum per viam
Sydus sequendo præuium.
Hi terna Reges triplicis
Mysterij donaria,
Diuina, diui conferunt
Infantis, ad crepundia.*



HYMNVS

H Y M N V S . IIII.

Octo dierum paruulus,
 Legumq; lator omnium,
 Legale fudit sanguinem
 Et ipse per præputium.
 Illic, IESU quolibet
 Dulcore nomen dulcius,
 Nostræ salutis theseram,
 Tulit Mariæ Filius.
 Defuncta Mater interim
 Purgationis lucibus,
 Ex instituto, filium
 Sistit sacris in ædibus.
 Excepit vlnis Simeon
 Vadem futuri præmij,
 Desiderati disfluens
 Possessione gaudij.
 Nunc fata, tanquam debita
 Iam fata, votis allicit,
 Illuminandis gentibus.
 Dum lumen ortum conspicit.

B

Matri

*Matri mucronem nunciat,
Natum ruina plurium,
Et prodijſſe nunciat
Erreſtioni gentium.*

*Prophetat ANNA Phanuel
Deuota templo filia,
Promiſſa præſtolantibus
Redemptionis præmia.*

*Dum principatus æmulum
Quærit, furitq; Regia,
Migrat, quod urget viſio,
Joſeph fidelis Patria.*

*De ducit hic virgunculam,
Depõrtat illa filium,
Ad regna præſcis cognita,
Cunabulis gentilium.*

*Exegit hic periculum,
Conſecit hic infantiam,
Vocatus inde filius,
Compleret ut Prophetiam.*



H Y M N U S V.

IBant parentes à Sacris,
 Desideratur filius,
 Comes parentum, pro die
 Celebritatis denius.
 Elapsus infrequentia,
 Ematris est custodia,
 Vt missionis iam suae
 IESVS capeffat munia.
 Quàm sponsus ergo sedulus,
 Et quàm genitrix anxia,
 Quem perdiderunt omnia
 Quarendo per diuortia.
 Hic inter urbis interim
 Perita Legis Nomina,
 Depromit argutissima
 Responsionum fulmina.
 Miratus est atatulam,
 Stupebat in peritia
 Confessus audientium,
 Supra stupebat omnia.

Hy-

B ij

Hic na-

*Hic nata mater perditum,
Aggressa non ut latior,
Sed arguendum censuit,
Qua matre nulla mitior.*

*IESVS moratum Patrio
Se dicit in negotio:
Sed altior quam percipi
Tum posset excusatio.*

*Crescit parentis unicus,
Vtrisque sub custodibus,
Vtrique deuotissimè
Subiectus est in omnibus.*

*O perdecoram virginis
Iubendo masuetudinem:
O delicatam germinis
Parendo promptitudinem.*

*O utriusque pignoris
Custodis integerrimi
Curas, in eius munere
Ioseph honoratissimi.*



PARS

PARS ALTERA

HYMNVS I.

Accinctus est ad praelium
Rex gloriosus serium,
Laturus è victoria
Redemptionem gentium.

Qui terminatis debite
Phase vetusti ritibus,
Mensâ stupendis ultimâ
Suos cibavit panibus.

Hoc institutum Fratribus
Reliquit, ut conuiuium
Redintegrando, perpetuum
Auctoris esset mentio.

Hoc institutum primitus
Complexa, nunc Ecclesiâ
Non terminabit, quatenus
Non terminentur omnia.

Et ecce, CHRISTVS vespere
Digressus à conuiuium,
Hortum relegit, intimi
Sequuntur è consortio.

B iij

Hic ma-


*Hic mæror illi, tadium,
Pauorque dirus ingruit:
Oransque guttas sanguinis
Sudore diro displuit.*

*Sic æstuantis Angelus
Confortat ægritudinem,
Confortat illum, qui facit
Per cuncta fortitudinem.*

*Ac imminentis poculi
Vt auferatur potio,
A patre poscit, sed patris
Non detrahens arbitrio.*

*Ter prouolutus in precem,
Ter surgit, & sequacium
Miti suorum corripit
Sermone somnolentiam.*

*O mons & horte, quid paris
Inusitati criminis?
Iam turba vecors imminet,
Armata turba Solimis.*



H Y M N V S II.

P Ræit cohorti proditor,
 Aue dat, addit osculum:
 Ad hanc, IESV, theseram
 Iniecta vis & vinculum.

Protractus est indagine
 Prætoriani militis,
 Per mille contumelias
 Inauspicati tramitis.

Tot probra, lusus, verbera,
 Perpeffus est ad atria
 Ferocis Anna, Præfulis
 Et in Caiphæ Curia.

Acceptus indignissimè
 A Galitææ Regulo:
 Reiectus est ad Præsidem,
 Albo notatus stragulo.

Agnoscit excusabilem
 Romanus innocentiam,
 Solam flagellis exhibet
 Sed plebis ad vesaniam.

Arcet

*Arcet columna nil minus
Quam resitantiem resistibus:
Diuerberatur undique
Nudus ferocientibus.
Exercet immanis manum,
Funes, flagella carnifex,
In delicato corpore
Arando vulnus multiplex.
Ruunt scatebrae sanguinis
Non supputandis fontibus:
Vnum statura vulnus est,
Consica tota pluribus.
Nec tortor ipse verberum
Peneque plenitudine
Cessasset, ipsa debuit
Cessare lassitudine.
At Agnus, in tam barbara
Detractione vellerum,
Nec mite, nedum quidpiam
Est oblocutus asperum.*



H Y M N V S III.

Quem vendicati perperam
Reum fremebant imperi,
Huic talionem vindices
Excogitârunt efferi.

Penalis ex atrocibus
Spinis corona neclitur,
Pressusq; robustissimo
Fronti beatæ ponitur.

Cui cerebro condita
Cælestis est prudentia,
Diuum cerebrum sentium
Cuspis penetrat noxia.


Vt verò dira vertici
Impacta sunt acumina,
Recentiora sanguinis
Ebullierunt flumina,

Iniecta IESV purpura,
Vt vestis esset Regia:
Arundo sceptrum tradita,
Sunt regis hæc ludibria.

C

Regem

*Regem salutant nescia
Gens utriusq; germinis,
Dauidæ natum nesciunt,
Genusque summi Numinis.
Fatentur, id quod improbant
In cæcitate cordium,
Vox veritatem personat
Inuita mentientium.
In cuius omne nomine
Genu tremendo flectitur,
Diuaricato poplite
Ab improbis illuditur.
Vultum decorum conspuunt
Inconditi Satellites,
Videre selectissimi
Desiderant quem calites.
Pugnos acerbos sustinent
Genæ polo gratissima,
Sacroque Sancta tempora
Quassata sunt arundine.*



H Y M N U S IV.


EN Praeses, ad libidinem
Vocesque deposcentium,
Cruci feroci destinat
Dei Satoris filium.

Gestat puellus Abrahæ
Rogo struendo fomitem,
Gestat redemptor brachijs
Quem sustinebit stipitem.

Hac immolandus arbore,
Hanc iussus aram tollere,
Et sub stupendo cernuus
Crucis labascit pondere.

Hunc profecuta lachrimis
Est turba matrum, fletibus
Propensa turba: vidit, &
Locutus est lugentibus.

Non hic dolendum, non ijs
Hic diffluendum lachrymis,
Natis parentes interim
Illachrymarent proprijs.



C ij

Occur-

Occurrit afflictiſſimo,
Peploque tergens, vnica
Compaſſionis præmio
Fit dignior Veronica.
Typum reportat præmio
Vultus decori linteo,
Delineatum Sanguine
CHRISTI dolentis aureo.
Sed, & beata pluries
Simonis eſt angaria,
Cui baiulanda contigit
Crucis grauamen in via.
Beatus es, ſi conſcius
Cui leuamen feceris,
Cuius ferendi particeps
Sis redditusque ponderis.
Hæc germinabit ſcilicet
Arbor, ſalutem gentium,
Irradicata Golgotha
Dum ſurget in faſtigium.



HYMNVS

H Y M N V S V.

I Am nostra CHRISTVS victima
Crucis theatrotollitur,
Vtramque fossus per manum,
Vtramque plantam figitur.

Exorat occidentibus
Patrem, quod ignorantia,
In innocentem sauiat
Caterua sanguinaria.

Matri Ioannem filium
Matrem Ioanni Virginem,
Verbo supremo destinans,
Rei nouauit ordinem.

Siti, salutem qua sitit
Nostram salutis artifex,
Propinat intra spongiam
Fel ac acetum carnifex.

Pars sustinenti talia
Succenset intuentium,
Pars magna voce non negat,
Dei fuisse filium.

*Alter latronum pendulus
A parte CHRISTI dextera,
Meretur efficaciâ
Confessionis sydera.
Vi prae graunte denique,
Expirat ore Spiritum:
Latusque sanctum lancea
Confodit unus militum.
Hinc ille nostro prodiit
Fons eluendo crimini,
Magnique fons mysterij,
Coniuncta limpha Sanguini.
Auertit his ab ausibus
Dum deficit sol lumina,
Telluris, ad tantum nefas,
Commota sunt fundamina.
Orat fidelis corporis
Ioseph humandi copiam,
Et condit, ante conditus
Quo non sepulchro quispiam.*



PARS

PARS TERTIA:

HYMNVS I.

CHRISTVS sepulchro prodijt,
Et mortis è seruaculo,
De quo sepultus prodijt,
Est orta vita saculo.

Venère sero femina
Venère quæ diluculo,
Vt condiendo funderent
Vnguenta pro corpusculo.


Iam non repertus soter est,
Intra sepulchri tegmina,
Sotus repertus Angelus,
Et sola lintheamina.

Resuscitatum Seraphin
Dicit magistrum seruulis:
Qui vox videndum præbuit
Quærentibus se sedulis.

In Galilæa sospitem
Se pollicetur fratribus:
Narrant sorores, sed fides
Negata rem narrantibus

Oportet

*Oportet ambigentium
Ingressus ut collegium,
Victor, triumpho totius
Det ipse testimonium.
Ab offe, carne, vulnere
Et à recenti stigmate,
Sumpto ciboque, rem docet.
Non esse cum phantasmate,
Interpretatis arguit
Ab usque Moysæ patibus,
His debuisse gloriam
Intrare Christum passibus.
Thomæ satisfit Didimo,
Incredulo præ cæteris,
In glorioso corpore,
Palpatione vulneris.
Et ordinavit undecem,
In vniuersis gentibus,
Verbo præesse mystico,
Baptismatisque ritibus.*



H Y M N V S . II.

I Am CHRISTVS orbis annui
 Lapsus ter vndenarium,
 Saluanda quærens, constitit
 In valle lachrimantium.
 Quam gloriosum tramitem
 Nunc flectit ad caelestia,
 Eliberata Tartaro
 Secum trahendo millia.
 Has redditurus copias
 Erat paternæ curiæ,
 Vt redderet rem prælii,
 Bellator, & victoria.
 Acclinat alas lucida
 Nubes ab alto sydere,
 Et eleuatus occupat
 Sedem paternæ dextera.
 Osando non narrabilem
 In Trinitate gloriam,
 Incorporati Filij
 Quæ fulsit ad præsentiam.

D

At fida

*At fida præsens interim
In monte congregatio,
Dum sic euntem suspicit,
Offertur illis visio.
Duotogati, candidis
Apparuerant vestibus
Viri, sed illi cœlites,
Mastis & aiunt fratribus,
Hic IESVS, ad cœlestia
Sublatus est ut culmina,
Sic iudicandis omnibus,
Die redibit ultimâ.
Illi reuerfi Sôlimas,
Et orbitatis tristia,
Promissione Spiritus,
Sancti leuabant radia.
Veni creator Spiritus,
Tuos fideles visita:
Et usque magnis ausibus
Mentes inertes, excita.*



V H Y M N U S I I I.

Nā fuerunt, orphanus
Cum matre cætus virgine,
Chorus virilis, & pia
Vnā fuerunt fæmina.


Et ecce, de cælo sonus
Magni repente turbinis
Illapsus est cænaculo,
Sonus propinqui numinis.

Affulsit ignis de super,
Arsit superque singulis,
Arsere lingua flammea,
Lucem datur & saculis.

Hi vero, pleni Spiritus
Auctoris affluentia,
Diuina linguis omnibus
Annunciant magnalia.

Reperta, plena gentibus
In vrbe, nulla gentium,
Quæ rite non se nouerit,
Ab ore diuinantium,

*Stupescit ad plebecula
Infantis eloquentiam,
Confusa mente ciuitas,
Vocumque tot peritiam.
Et astimator improbus
Vulgus, superne gratia,
In Galilæis imputat
Diuina vinolentia.
Petrus refellit iurgium
Zelator, è Videntibus
Hec in dierum termino
Futura prædicentibus.
Hic ordo lectus incipit
Apostolatus munia:
Suaque CHRISTO quilibet
Desudat in prouincia.
Orbis penetrant inuia,
Et in Tyrannos inuolant,
Pro veritate denique
Sese volentes immolant.*



H Y N M V S IV.

AVe, secunda post tuum
 Dei genitrix filium,
 Quæ possides in corpore
 Amena iam cœlestium.
 Decebat arcam fœderis,
 O Virgo te, putredini,
 Nascentibus quæ cæteris
 Communis esset, eximi.
 Aucto, cui dulcissimè
 Obdormienti, mystica
 Ab Angelorum catibus
 Cantata dulce cantica.
 Ave, ministris Angelis
 Assumpta de seruaculo
 Telluris, & pellucido
 Deducta cœli circulo.
 Cui consalutans obuiam
 Effusa cœli Curia:
 Quam natus amplexu pio
 Appressit ad præcordia.

Cui, beata Trinitas

*Iam visionis abditos
Sua recessus prodidit,
Vsuque fecit cognitos.*

Aue virago Regia,

*Cui delicata filia,
Caestis est clementia,
Aue reis fiducia.*

Te, voce querunt supplice

*Extorris Eua filij,
Et inuocant suspirys,
In valle flentes tadj.*


Aduerte tandem lumina,

*O Aduocata gentium,
Tuumque, post haec aspera,
Ostende nobis filium.*

O tota clemens, o pia,

*O tota, dulcis, totaue
In castitatis lilio,*

MARIA praepotens Aue.



M H Y M N V S V.
Ater, regimen accipe
Orbis regimen totius:
Regna creatis omnibus:
Dixit MARIE Filius

Quæ te corona temporum
Manebat à primordio,
Hanc imperatrix induc,
Cultuque fer præ regio.

Amicta solis circulum,
Lunam premas caleaneo.
Nobisque coniunctissima,
Throno sedebis aureo.

Tibi nouena calitum
Deseruiat Hierarchia:
Te sponte reginam colant
Subiecta terris omnia.

Tibi libenter pareat
Magnum genus mortalium.
Per te, bonorum copiam
A me requirent omnium.

Et ipse,

Et ipse, mater optima,
Parebo, nec suffragiis
Deesse possum, quæ piæ
Datura sis pro noxijs.
Hæc natus: at dulcissima
Qua fulserit tum gloria,
Humana mens non cogitat,
Non exprimit facundia.
Regina Virgo, Rex Deus:
Ad Regis eminentiam,
Accommodatam debuit
Regina ferre gloriam.
Regina Virgo, Filius
Rex: noluitne Virginem
Exuberantem gloriæ
Habere plenitudinem?
MARIA mater gratiæ,
Utare privilegio,
Et inuocantes noxios
Tuo iuva suffragio.

